

Gij Mbawveh Vunzguhnaz Boudung Sanhgyangh

□ Maj Veiungz comz hoiz



▲ Canghveh nyinhcaen guh dajveh.

◀ Gyoengq canghveh vunzguhnaz doxcomz sonlien.



▲ Gyoengq canghveh ciengzseiz doxcomz doxson doxhag.



▲ Mbawveh 《Gangjguenj》 yiengh lumjlili.

Ndaw gvaengzveh、gnwz ciengz、gnwz ndoengj、gnwz aencaengq…… Youq ndaw dieggoek swncienz Vehdung Sanhgyangh Dungcuw Swciyen Duzdung Cin Duzdung Cunh, venj rem、baij deihaenz gij mbawveh vunzguhnaz Sanhgyangh gaeng veh sat roxnaeuz caengz veh ndaej haenx.

Mbawveh vunzguhnaz Sanhgyangh, dieggoek swncienz dajveh cawjdaez comz youq Sanhgyangh Duzdung Cin, rangh dieg swncienz nangq daengz Dungzloz、Bazgyangh、Gujyiz、Dougyangh、Liengz-gouj、Meizlinz daengj yanghecin. Gij veh neix lizsij gyaenanz, seiz Dangzciuz couh caep maenh giekdaej, Cingciuz “Vehbaengzdung” rangh dieg Boudung Sanhgyangh gaeng riuwmingz gwnzbiengz. Mbawveh vunzguhnaz Sanhgyangh youq dang dieg aeu caizliuh, gaxgonq dwg aeu mijrek、goromj caiqlj gij lwgmak gwnz bya guh liuhsaek, aeu nyefaex guh bitveh, gvaqlaeng liuhsaek swnggaep baenz mbaraemx、bingjih daengj. Mbawveh mboujdan veh youq gwnz ceij、ciengz、baengz, lij veh nyumx hwnj gwnz ndangdaenj、daehbeq、saihwet、daehngaenz、gaenfwnz Boudung daengj doenghyiengh ngoenznaengz yungh haenx bae. Aeu laeuzgyong guh gyangsim, bau daengz giuzbumz、laeuzheiq、ranzcanx daengj vwnzva yienhsiengq aenranz、minzsug fungcingz、sibgenq gvaq ndwenngoengz daengj, cungj dwg daezcaiz youqgaeng mbawveh vunzguhnaz Sanhgyangh dajveh haenx, hawj gij hingzik caeuq neiyungz de ndaej giethab caeuq doengjit ndaej engq ndei, gyoebbaenz gij minzcuz funggek daegbied gag miz ndeu. Mbawveh

vunzguhnaz Sanhgyangh gij saek de doiq-beij haenqhwd, gij heiq gvaq ndwenngoengz naekgywg, daezcaiz genjleh gagdingh, gyoepdoz simlangh, giuj yungh aenfap sanqdiemj daeuqrongh. Aeu coenz vah ndeu daeuj gangj de dwg: Riengz sim siengj bae genjleh daezcaiz, “hoziq simlangh” dwk bae cawqleix najveh, “fouz dauhleix” dwk bae gyoep gij saek, ciengz fuengvih lai gakdoh bae yienj diemjyawj. Lumjbaenz mbawveh 《Gangjguenj》, couh lumjlili dwk yienh’ ok le gij cingzgingj vunzlai ndaw mbanj comz youq diegdangz naj laeuzgyong dingq goengguenj gangjguenj haenx.

Mbawveh vunzguhnaz Sanhgyangh gyaepgouz saemjgyaeu ciuhneix, roengzrag diegnamh minzcuz, biujyienh gij ndwenngoengz yienhsaek caeuq gyoengqvunz guhhong seizneix, yienj ok gij minzcuz daegsaek sienmingz, neiyungz gvaq ndwenngoengz lai cungj lai yiengh, moix mbaw veh cungj dwg cauhanduj, gig miz gij dijbauj yisuz daegbied de. Cungj veh minzsug ciuhneix comzrom guek raeuz Boudung ndawbiengz vwnzva maenhndei cienzdoengj neix, cingq daj ndaw luegbya byaij okdaej, byaij coh aen dienhdang yisuz swnhndei bae, byaij haeuj ndaw lwgda gak cuz lwgminz cimyawj haenx, ciep raiz bien faenzcieng moq Cungguek minzcuz ndawbiengz meijsuz haenx.

Bi 2012, mbawveh vunzguhnaz Boudung Sanhgyangh ndaej lied haeuj Swcigih feihyiz henhoh mingzloeg; bi 2003, Gvangsijh Meijsuzgyah Hezvei Vwnzyi Ciyen Fuzvu Gihdi youq Duzdung venjbaiz laebbaenz.